

- 1 wa-rbbi t̤rit aḡ<sup>w</sup>ns-inu tissant-iyi,  
 2 tissant iḡ-gawrḡ ula iḡ-nkrḡ,  
     tissand-d zḡ-tugguḡt ma-ḡ-a-swingimḡ.  
 3 tissant iḡ-ffuḡḡ ula iḡ-gnḡ,  
     tissant a-rbbi kullu mad-skarḡ.  
 4 ur-ta-immuss ils-inu,  
     tsnt a-rbbi kullu ma-rad-iniḡ.  
 5 tsutlt-iyi bdda zḡ-kraygatt tasga,  
     t̤ṣart flla s-jjhd n-ufus-nnk.  
 6 tejjbḡ a-rbbi ḡ-twassna-yad-nnk,  
     tattuy bahra flla ur-as-ḡḡarḡ.  
 7 manis rad-dduḡ ad-anfḡ i-rruḡ-nnk?  
     ula manis rad-rwlḡ ad-ḡllak-rgsḡ?  
 8 iḡ-ḡliḡ s-ignna, ḡin a-ḡ-tllit kiyi.  
     iḡ-gnḡ ḡ-umḡḡal ula ḡin tllit gis.  
 9 iḡ-nkrḡ aylḡ s-usḡlay n-tafukt,  
     ula ḡin afus-nnk a-ra-yyi-iguwwd.  
 10 iḡ-bbiḡ amda zdḡḡ-n ḡ-tsga yaggugn,  
     ula ḡin ra-yyi-gis-yamḡ-ufus-nnk afasi.  
 11 iḡ-ḡalbḡ tillas a-yyi-dlnt,  
     ḡ-iḡri-nnk a-rbbi ur-akk<sup>w</sup>-llasnt.  
 12 iḡ-ḡalbḡ azal a-ywrrī iḡ iḡ,  
     ḡ-dark a-rbbi iḡa iḡ zund azal,  
     tillas ula tifawt yan ad-gant ḡ-dark.

- 13 kiyi a-iskrn igzman n-ddat-inu,  
     tzzdit-iyi-n s-tntla ḡ-waḡlig n-immi.  
 14 ḡmdḡ-k f-lquwwa-nnk ula lmjd-nnk.  
     issanḡ iskkirn-nnk lej̣b ad-gan.  
 15 lliḡ-iyi-di-t̤lqt ḡ-t̤drut n-ddunit,  
     ur-ḡllak-ntiln iḡsan n-wazzan.  
     t̤dlt iḡuran-inu ḡ-uruku irgsn,  
 16 ar-iyi-tmnadt lliḡ ur-ta-lulḡ.  
     tarat flla ussan n-tudrt-inu kullutt.  
     ḡ-warra-nnk a-ḡ-llan ur-ta-ḡriḡ tifawt.  
 17 tejjbḡ a-rbbi ḡ-iswingimn-nnk.  
     kraygatt kra illan ar-gis-tswingimt.  
 18 iḡ-tn-kullu-ssmunḡ rad-igatn f-umlal,  
     sul ur-rad-issanḡ mamnk a-tgit kiyi.  
 19 amar yufan a-thlkt gar mddn a-rbbi,  
     tssittit-n flla ḡwid dar tezza-tnaḡa.  
 20 rurn-in srk tiḡurdin ar-gik-rggṃn.  
 21 ur-a-tiḡmalḡ ḡwilli-k-ur-ittirin,  
     ula ṣbrḡ i-willi srk yusin tanuwwašt.  
 22 ur-a-tn-ttiriḡ ula ra-sar-tn-iriḡ.  
 23 wa-rbbi siggl gigi tissant ul-inu.  
     arm-iyi tissant mad-swingimḡ,  
 24 t̤rt is-gigi-illa kra y<sup>w</sup>ḡšnn,  
     tguwwdt-iyi-bdda ḡ-uḡaras idumn.